

Na osnovu čl. 8. i 18. Zakona o udruženjima i fondacijama Bosne i Hercegovine („Službeni glasnik BiH“, br.: 32/01, 42/03, 63/08, 76/11 i 94/16) i čl. 36. i 58. Statuta Udruženja Vijeće Kongresa bošnjačkih intelektualaca, po dostavljenom prijedlogu Upravnog odbora Udruženja, Skupština Udruženja na redovnoj sjednici održanoj 20.09.2018. godine, donijela je

STATUT

UDRUŽENJA VIJEĆE KONGRESA BOŠNJAČKIH INTELEKTUALACA

I OPĆE ODREDBE

Član 1.

Statut Udruženja sadrži:

- a) naziv i sjedište;
- b) ciljeve i djelatnost;
- c) članstvo u udruženju, način prijema i isključivanje, prava i obaveze članova;
- d) organi i tijela udruženja;
/način izbora i rješenja, ovlaštenja organa, kvorum i pravila glasanja organa, trajanje mandata, sazivanje Skupštine/
- e) izvori finansiranja, upravljanje i raspolaganje sredstvima udruženja, nadzor nad upotrebom sredstava;
- f) način podnošenja finansijskog izvještaja i izvještaja o radu;
- g) javnost rada;
- h) opis oblika pečata i znaka;
- i) zastupanje i predstavljanje udruženja;
- j) odlučivanje o spajanju, podjeli i prestanku rada;
- k) postupanje sa imovinom udruženja u slučaju prestanka rada udruženja;
- l) postupak donošenja Statuta, izmjena i/ili dopuna Statuta, i drugih općih akata;
- m) prelazne i završne odredbe.

Član 2.

Udruženje ima svojstvo pravnog lica, koje je steklo danom upisa u Registar udruženja kod Ministarstva pravde Bosne i Hercegovine (u daljem tekstu: Ministarstvo).

Udruženje baštini programske ciljeve Vijeća kongresa bosanskomuslimanskih intelektualaca, koje je osnovano na osnivačkoj Skupštini 22.12.1992. godine u Sarajevu, a prestalo sa radom registracijom ovog Udruženja.

Udruženje ima ulogu i položaj nacionalne bošnjačke organizacije, bošnjačkog vijeća, koje djeluje u Bosni i Hercegovini, u skladu sa Statutom i Zakonom o udruženjima i fondacijama BiH (u daljem tekstu: Zakon).

Dvadeset i drugi decembar se obilježava kao Dan Udruženja, prigodnom svečanošću.

Član 3.

Udruženje je nestranačko, nevladino i neprofitno udruženje.

Udruženje jedinstveno i autonomno djeluje na teritoriji Bosne i Hercegovine i inostranstvu, u skladu sa Statutom i Zakonom.

Udruženje je registrirano na nivou Bosne i Hercegovine a svoju registraciju može izvršiti i u entitetima i kantonima, u skladu sa propisima koji definišu ova pitanja.

Član 4.

Udruženje ima svoje žiro račune otvorene kod poslovnih banaka.

Odluku o otvaranju i/ili zatvaranju žiro-računa Udruženja donosi predsjednik Udruženja.

Obavezni potpisnici žiro računa Udruženja su lica ovlaštena za predstavljanje i zastupanje Udruženja u skladu sa odredbama ovog Statuta.

II NAZIV I SJEDIŠTE UDRUŽENJA

Član 5.

Puni naziv Udruženja je:

UDRUŽENJE VIJEĆE KONGRESA BOŠNJAČKIH INTELEKTUALACA
UDRUGA VIJEĆE KONGRESA BOŠNJAČKIH INTELEKTUALACA
УДРУЖЕЊЕ ВИЈЕЋЕ КОНГРЕСА БОШЊАЧКИХ ИНТЕЛЕКТУАЛАЦА

Skraćeni naziv Udruženja je:

VKBI
VKBI
ВКБИ

Naziv Udruženja na engleskom jeziku glasi:

Association Council of the Congress of Bosniak Intellectuals

Udruženje u pravnom prometu može koristiti bilo koji puni ili skraćeni naziv.

O promjeni naziva Udruženja odlučuje Skupština Udruženja.

Član 6.

Sjedište Udruženja je u Sarajevu, sa adresom u ulici Vladimira Perića Valtera br. 13.

Sjedište i/ili adresa se može promijeniti odlukom Upravnog odbora Udruženja.

III CILJEVI I DJELATNOST UDRUŽENJA

Član 7.

Ciljevi i djelatnosti su:

- Ostvarivanje tradicionalne tolerancije i zajedništva u multikulturalnoj, multinacionalnoj i multireligijskoj Bosni i Hercegovini;
- Posticanje i razvoj Bosne i Hercegovine kao demokratske, građanske, sekularne, pluralne, parlamentarne i civilizirane države, u kojoj su narodi, nacionalne manjine i svi građani jednakopravni na cijeloj teritoriji Bosne i Hercegovine, uz puno uvažavanje prava na slobodu ispovjedanja vjere;
- Razvijanje i jačanje patriotskih osjećanja kao garancije za ostvarenje osnovnih obilježja bošnjačkog naroda, historije i kulture, uz poštivanje i ostvarivanje osobenih vrijednosti svakog naroda, nacionalnih manjina i svih građana koji žive u Bosni i Hercegovini, te unapređivanje naših zajedničkih interesa i suživota u suverenoj i nezavisnoj državi Bosni i Hercegovini;
- Razvijanje kritičke svijesti i misli u oblasti nauke, kulture, umjetnosti i svih drugih oblika stvaralaštva;
- Razvijanje saradnje sa vladinim i nevladinim, kao i drugim organizacijama i pojedincima – intelektualcima ostalih bosanskohercegovačkih naroda, opredijeljenim za nezavisnu, suverenu i cjelovitu Bosnu i Hercegovinu, bez obzira na njihova ideološka, politička, vjerska, stranačka, polna i nacionalna opredjeljenja;
- Stvaranje i razvijanje uvjeta za postizanje međunacionalnog povjerenja, i sa mnogo obzira i strpljenja uspostavljanje veza između bosanskohercegovačkih naroda, kao i svih vjerskih organizacija;
- Ostvarivanje veza sa intelektualcima iz drugih zemalja, kao i sa međunarodnim organizacijama i institucijama, angažiranim na uspostavljanju stabilnosti i razvijanju demokratije i ljudskih prava;
- Stalna aktivnost prema bošnjačkoj i bosanskohercegovačkoj dijaspori u cjelini, kao snažnom elementu jačanja i razvoja Bosne i Hercegovine;

- Promoviranje bosanstva i nacionalnih interesa Bošnjaka u domovini i Svijetu, kao i rad na harmoniziranju temeljnih elemenata nacionalnog identiteta Bošnjaka iz domovine i Svijeta;
- Ostvarivanje saradnje sa bošnjačkim organizacijama, institucijama, ustanovama, vijećima, udruženjima i fondacijama iz zemlje i inozemstva, u cilju uspostavljanja saradnje u oblasti unapređenja elemenata nacionalnog identiteta, a posebno u oblasti bosanskog jezika, bošnjačke i bosanskohercegovačke književnosti, umjetnosti, obrazovanja, nauke, historije, izdavaštva, informiranja i drugih djelatnosti iz oblasti kulture;
- Organiziranje samostalno, ili sa drugim pravnim i fizičkim licima iz zemlje i inostranstva, javnih tribina, okruglih stolova, sesija, susreta članova, konferencija, seminara, kongresa;
- Izdavanje brošura, knjiga, publikacija i drugih pisanih i elektronskih izdanja, koje su povezane s ciljevima Udruženja, a u skladu sa važećim zakonskih propisima.
- Udruženje se posebno bavi aktivnostima vezanim za unapređenje demokratizacije i društvenih procesa integracije bosansko-hercegovačkog društva i države u cjelini, ljudskim pravima, naukom i naučno-istraživačkim radom, obrazovanjem, posebno bošnjačkom kao i bosansko-hercegovačkom kulturom općenito.
- Udruženje će u svojoj aktivnosti i djelovanju ostvarivati saradnju sa drugim nevladinim i sličnim udruženjima, fondacijama, ustanovama i organizacijama u Bosni i Hercegovini i inozemstvu, a sve u skladu sa svojim programskim ciljevima i zadacima, ovim Statutom te zakonskim i drugim propisima;
- Udruženje može sarađivati sa domaćim vlastima, na svim nivoima, kao i međunarodnim vladinim i nevladinim organizacijama, diplomatskim predstavništvima, u skladu sa svojim Statutarnim ciljevima

Član 8.

Udruženje ciljeve i djelatnosti provodi putem svojih organa i tijela.

Član 9.

Udruženje, kroz ciljeve i djelatnosti, ne može biti usmjereno na rušenje ustavnog poretka Bosne i Hercegovine, kršenje zagarantiranih ljudskih prava ili izazivanje i poticanje neravnopravnosti, mržnje i netrpeljivosti zasnovane na rasnoj, nacionalnoj, vjerskoj ili drugoj pripadnosti ili opredjeljenju.

Udruženje, kroz ciljeve i djelatnosti, ne može biti uključeno u predizborne kampanje, prikupljanje sredstava za kandidate ili finansiranje kandidata, odnosno političkih organizacija, stranaka/partija.

Član 10.

Udruženje može formirati odnosno osnovati, samostalno ili sa drugim osnivačima: fondacije, udruženja i/ili privredna društva, u skladu sa Zakonom i ovim Statutom, o čemu odlučuje Skupština Udruženja, na prijedlog predsjednika Udruženja ili Upravnog odbora Udruženja.

Član 11.

Udruženje može obavljati privredne djelatnosti radi ostvarivanja ciljeva utvrđenih Statutom, u skladu sa pozitivnim zakonodavstvom.

Udruženje može obavljati nesrodne privredne djelatnosti (privredne djelatnosti koje nisu neposredno povezane sa ostvarivanjem osnovnih Statutarnih ciljeva udruženja) samo preko posebno osnovane pravne osobe u skladu sa Statutom i zakonom.

Dobit koju Udruženje ostvari iz nesrodnih privrednih djelatnosti može se upotrijebiti samo za ostvarivanje ciljeva utvrđenih Statutom.

Nije dopušteno direktno ili indirektno sticanje dobiti ili druge materijalne koristi ostvarene iz djelatnosti Udruženja: članovima udruženja, članovima organa Udruženja, odgovornim osobama, zaposlenicima ili donatorima.

Ograničenje iz prethodnog stava se ne odnosi na naknade za rad ili nadoknade troškova tim osobama u vezi s ostvarivanjem zakonitih ciljeva i aktivnosti utvrđenih Statutom.

Član 12.

Udruženje može provoditi programe i projekte od javnog interesa, sa svim nivoima vlasti u Bosni i Hercegovini, u skladu sa Zakonom i ovim Statutom.

U slučaju dobijanja sredstava za provođenje programa ili projekata od javnog interesa, Udruženje podnosi izvještaj davaocu tih sredstava i informira javnost putem svoje web stranice.

U slučaju dobijanja sredstva za provođenje programa ili projekata od javnog interesa u provođenju programa ili projekta Udruženje može ostvariti poreske, carinske i druge olakšice, u skladu s posebnim propisima.

IV ČLANSTVO U UDRUŽENJU, NAČIN PRIJEMA I ISKLJUČIVANJE, PRAVA I OBAVEZE ČLANOVA

Član 13.

Članovi Udruženja mogu biti državljani Bosne i Hercegovine, sa stečenom univerzitetskom diplomom, odnosno sa najmanje stečenom visokom stručnom spremom.

Članovi Udruženja mogu biti i strani državljani, pod uslovima koje propiše Upravni odbor u skladu sa zakonima koji definišu ova pitanja.

Članom Udruženja može biti i pravno lice registrovano u Bosni i Hercegovini, koje učestvuje u radu organa Udruženja putem svojih ovlaštenih predstavnika, o čemu odlučuje Skupština Udruženja, u skladu sa odredbama Statuta.

Svaki član Udruženja, nakon prijema u članstvo Udruženja po odredbama ovog Statuta, dužan je popuniti i potpisati pristupnicu Udruženja, kojom se istovremeno prihvata Statut Udruženja.

Izgled, oblik i sadržaj pristupnice iz prethodnog stava utvrđuje Upravni odbor Udruženja.

Član 14.

Članovi Udruženja, u statusnom smislu, mogu biti redovni i počasnici.

Redovni članovi mogu biti aktivni ili pasivni, o čemu se vodi posebna evidencija u elektronskoj bazi registra članova Udruženja.

Pod pasivnim članovima Udruženja, u registru članova Udruženja evidentiraju se članovi Udruženja:

- koji zbog zdravstvenih razloga i/ili bolesti nisu fizički u mogućnosti dolaziti na programske aktivnosti Udruženja,
- članovi koji odsustvuju u toku jedne kalendarske godine duže od četiri mjeseca van Bosne i Hercegovine (naučni, istraživački i dr. poslovi) ili obavljaju javne poslove/funkcije a koji za posljedicu mogu imati bilo kakav oblik sukoba interesa;
- članovi koji sami iskažu kroz pristupanje Udruženju da budu članovi Udruženja, ali bez aktiviteta u organima i/ili tijelima Udruženja.

Član 15.

Popis članova Udruženja vodi se u formi elektronske baze podataka u Stručnoj službi Udruženja, i sadrži:

- a) Ime i prezime člana, sa adresom prebivališta;
- b) Broj telefona člana i e-mail adresu člana;
- c) Broj i datum odluke Upravnog odbora o prijemu u članstvo Udruženja, u skladu sa odredbama Statuta;
- d) Statusni oblik člana (redovni ili počasni član);
- e) Oznaku aktiviteta člana (aktivan ili pasivan član);
- f) datum prestanka članstva u Udruženju.

Pored elektronske baze evidencije članstva sa podacima iz prethodnog stava ovog člana, u Stručnoj službi se u pisanoj formi, u posebnom registru o članovima Udruženja, čuvaju pisani dokumenti vezani za članove Udruženja, i to:

- Odluka Upravnog odbora o prijemu člana u Udruženje, kao i odluke Upravnog odbora o prestanku članstva u Udruženju, u skladu sa odredbama Statuta;

- Pristupnica člana, koja je vlastoručno potpisana od strane člana.

Član 16.

Upravni odbor u roku od 30 dana od dana dostavljanja aplikacije/zahtjeva kandidata za članstvo u Udruženju, donosi odluku o prihvatanju i registraciji člana. Danom donošenja odluke, član počinje ostvarivati prava i obaveze člana Udruženja po ovom Statutu, potpisuje pristupnicu i upisuje se u registar Udruženja.

Upravni odbor ima pravo odbiti prijem člana u Udruženje o čemu ga je dužno pismeno izvjestiti.

Član 17.

U Udruženju se vodi registar članova Udruženja, koji se obavezno reevidentira svake tri godine.

Trogodišnju verifikaciju članova obavlja Upravni odbor po predloženom registru od strane generalnog sekretara Udruženja.

U Udruženju se može propisati članarina, o čemu odlučuje Skupština Udruženja donošenjem posebnog akta /pravilni, odluka i sl./, na prijedlog Upravnog odbora Udruženja.

Član 18.

Članovi Udruženja imaju sljedeća prava i dužnost:

- a) da aktivno rade na ostvarivanju ciljeva i djelatnosti Udruženja;
- b) da promoviraju ciljeve Udruženja u društvu;
- c) da poštuju i provode Statut i odluke organa Udruženja;
- d) da daju prijedloge, mišljenja i sugestije u cilju provođenja programskih ciljeva i zadataka Udruženja;
- e) da budu redovno informisani o radu i rezultatima organa Udruženja;
- f) da aktivno učestvuju u Skupštini Udruženja, kao i organima i tijelima gdje su izabrani u skladu sa Statutom;
- g) da izmiruju eventualno propisanu članarinu u Udruženju;
- h) da biraju i budu birani u organe i tijela Udruženja u skladu sa Statutom.

Član 19.

Članstvo u Udruženju prestaje:

- a) smrću;
- b) istupanjem iz Udruženja;
- c) odlukom o isključenju iz Udruženja.

Član 20.

Istupanje iz Udruženja vrši se pismenom izjavom člana Udruženja, koja se dostavlja u Stručne službe Udruženja.

Danom dostavljanja izjave iz prethodnog stava prestaju sva prava i obaveze koja su ovim Statutom propisana za člana Udruženja.

Danom dostavljanja izjave iz stava 1. ovog člana, član se briše iz registra i evidencije Udruženja. Udruženje ima pravo potraživanja članarine od člana koji je istupio, u skladu sa važećim zakonskim propisima i Statutom.

Član 21.

Isključenje iz članstva Udruženja se vrši:

- a) U slučaju teže povrede odredbi ovog Statuta ili drugih općih akata organa Udruženja;
- b) Ako se djeluje protivno ciljevima i interesima Udruženja;
- c) Ako član djeluje suprotno odlukama koje su donijeli organi Udruženja;
- d) Ukoliko se u javnosti nanese šteta i oskrnavi ugled Udruženja;

- e) Ukoliko član ne učestvuje u radu i programskim aktivnostima Udruženja ili u organima ili tijelima u koje je izabran, dužem od godinu dana;
- f) Drugim slučajevima predviđenim Zakonom i ovim Statutom.

Član 22.

Odluku o isključenju člana predlažu organi Udruženja iz člana 29. Statuta.

Prijedlog odluke iz prethodnog stava dostavlja se Sudu časti Udruženja, koji donosi odluku o isključenju, sa obaveznim obrazloženjem.

Na odluku Suda časti, isključeni član ima pravo žalbe koju je dužan podnijeti u roku od 8 dana od dana prijema odluke. Žalba se dostavlja Skupštini Udruženja na razmatranje.

Odluka Skupštine Udruženja po žalbi je konačna.

Član 23.

Izuzetno od prethodnog člana, predsjednik Udruženja može donijeti odluku o isključenju člana, uključujući i članove u organima Udruženja, ukoliko je član Udruženja svojim javnim djelovanjem nanio iznimnu štetu ugledu i imidžu Udruženja.

Žalbu na odluku Predsjednika Udruženja iz prethodnog stava, član može uputiti Skupštini Udruženja u roku od 7 dana. Odluka Skupštine Udruženja po žalbi je konačna.

Upravni odbor može donijeti odluku o isključenju člana u slučajevima iz člana 21. stav 1. alineja e). Na odluku Upravnog odbora član može podnijeti žalbu Skupštini u roku od 7 dana. Odluka Skupštine Udruženja po žalbi člana je konačna.

Član 24.

Član Udruženja kome je prestalo članstvo, nema pravo na povrat članarine.

Isključeni član briše se iz evidencije i registra članstva Udruženja.

V ORGANI I TIJELA UDRUŽENJA

Član 25.

Na sjednicama kolektivnih organa i tijela Udruženja vode se zapisnici.

Administrativno-tehničku podršku za održavanje sjednica i aktivnosti organa i tijela Udruženja, pruža Stručna služba Udruženja, po instrukcijama i uputama generalnog sekretara Udruženja.

Član 26.

U pravilu, obavljanje svih funkcija u organima Udruženja je na volonterskoj osnovi.

Članovi u organima Udruženja, kao i članovi Udruženja, za obavljanje poslova i zadataka u ime i za račun udruženja, imaju pravo na pravičnu naknadu u pogledu službenih putovanja, honorara za stručne poslove /ugovori o djelu, autorski ugovori i sl./, i druge troškove koji nemaju karakter plaće u smislu zakona i podzakonskih akata.

Upravni odbor može odobriti zasnivanje radno-pravnog statusa predsjedniku, generalnom sekretaru i/ili predsjedniku Upravnog odbora Udruženja, u skladu sa finansijskim mogućnostima Udruženja.

Član 27.

U slučaju ostvarivanja radno-pravnog statusa u Udruženju primjenjuju se odredbe Zakona o radu u institucijama Bosne i Hercegovine.

A) ORGANI UDRUŽENJA

Član 28.

Skupština u organe Udruženja, iz reda svojih članova, bira intelektualce afirmisane na različitim područjima naučnog, kulturnog, ekonomskog, obrazovnog, sportskog, umjetničkog, vjerskog, društvenog i političkog života bez obzira na ideološki svjetonazor, pol i politička uvjerenja.

Član 29.

Organi Udruženja su:

- a) Skupština,
- b) Predsjednik,
- c) Upravni odbor ,
- d) Generalni sekretar ,
- e) Nadzorni odbor i
- f) Sud časti.

/mandat u organima/

Član 30.

Mandat u organima Udruženja iz prethodnog člana, izuzev generalnog sekretara, traje tri godine, sa mogućnošću reizbora.

Organi Udruženja biraju se i razrješavaju na Skupštini, u pravilu javnim glasanjem, iz reda članova Skupštine Udruženja, u skladu sa odredbama Statuta.

/izuzeće u organima Udruženja/

Član 31.

U organe Udruženja ne mogu biti birani aktuelni predsjednici političkih organizacija (stranaka, partija) u Bosni i Hercegovini. Ukoliko u toku mandata u bilo kojem organu Udruženja, bilo koji član organa Udruženja bude izabran za predsjednika bilo koje političke organizacije, po automatizmu mu danom izbora za predsjednika političke organizacije prestaje mandat u organu Udruženja.

Isti član Udruženja može biti izabran samo u jedan od organa Udruženja.

Skupština Udruženja

/sastav Skupštine/

Član 32.

Skupština je najviši organ Udruženja.

Skupštinu kao najviši organ Udruženja, kao i Udruženje u cjelini, predstavlja predsjednik Udruženja.

Skupštinu čine svi registrovani članovi Udruženja na dan sazivanja sjednice Skupštine po odredbama ovog Statuta.

Član 33.

Izuzetno od prethodnog člana, a u slučajevima kada i ako broj članova Udruženja pređe 120 (stotinu i dvadeset), Skupština Udruženja može odlučiti da se članstvo u Skupštini stiče po delegatskom principu.

/ovlaštenja i nadležnosti Skupštine/

Član 34.

Nadležnosti Skupštine su:

- donosi Statut, kao i izmjene i/ili dopune Statuta,
- odlučuje o statusnim promjenama Udruženja, spajanju, podjeli i prestanku rada Udruženja,
- donosi odluku o raspodjeli preostale imovine u slučaju prestanka rada ili statusnoj promjeni Udruženja;
- bira i razrješava predsjednika Udruženja,
- na prijedlog Predsjednika, bira i/ili razrješava generalnog sekretara Udruženja, Upravni odbor, Nadzorni odbor i Sud časti Udruženja,
- razmatra i usvaja godišnje izvještaje o radu i finansijskom poslovanju Udruženja, podnesene od organa Udruženja, po odredbama ovog Statuta,

- odlučuje o kupovini ili prodaji nepokretnosti/nekretnina Udruženja;
- donosi Poslovnik o radu Skupštine,
- donosi Pravilnik o priznanjima i nagradama Udruženja;
- donosi srednjoročne i dugoročne planove i programe rada Udruženja;
- odlučuje o eventualnoj članarini i članstvu, donošenjem odgovarajućeg Pravilnika;
- odlučuje o žalbama na odluke Suda časti i predsjednika Udruženja;
- odlučuje o statusnim promjenama Udruženja, spajanju, podjeli i/ili prestanku rada Udruženja;
- donosi odluku o raspodjeli preostale imovine u slučaju prestanka rada ili statusnoj promjeni Udruženja;
- odlučuje o osnivanju pravnih lica čiji je osnivač ili suosnivač Udruženje;
- odlučuje o važnim pitanjima koja se odnose na provođenje programskih ciljeva i zadataka;
- donosi druge nepomenute opće i pojedinačne akte iz svoje nadležnosti po ovom Statutu i Zakonu;
- odlučuje o drugim pitanjima koja nisu u nadležnosti nekog drugog organa po ovom Statutu i Zakonu.

/način rada/

Član 35.

Skupština Udruženja radi u sjednicama.

Skupštinu saziva, i u svojstvu predsjedavajućeg predsjedava sjednicama Skupštine, predsjednik Udruženja, izuzev u slučajevima koji su propisani ovim Statutom.

Član 36.

U slučaju spriječenosti ili odsutnosti predsjednika Udruženja, na već sazvanoj sjednici, Skupštinom će predsjedavati predsjednik Upravnog odbora Udruženja, u svojstvu predsjedavajućeg Skupštine.

Prije usvajanja Dnevnog reda Skupštine, predsjednik Udruženja, odnosno predsjedavajući Skupštine, utvrđuje se postojanje kvoruma za održavanje sjednice Skupštine.

/vrste sjednica/

Član 37.

Sjednica Skupštine Udruženja može biti redovna, vanredna, tematska ili svečana.

Član 38.

Redovna Skupština se saziva najmanje jedanput godišnje, u pravilu u periodu između 10. februara i 10. aprila, na kojoj se kao obavezni materijali razmatraju izvještaji o radu i izvještaji o finansijskom poslovanju Udruženja iz prethodne kalendarske godine.

Redovna sjednica Skupštine po svom karakteru može biti izvještajna, izborna ili izborna-izvještajna.

Karakter izborne, u svim kombinacijama iz prethodnog stava, sjednica Skupštine ima kada se na dnevnom redu Skupštine razmatra bilo koje pitanje vezano za imenovanje ili razrješenje bilo kojeg organa Udruženja.

Član 39.

Tematska sjednica Skupštine saziva se prema potrebi, a obavezno na zahtjev:

- 1/3 aktivnih redovnih članova Udruženja ili
- Upravnog odbora ili
- predsjednika Udruženja ili
- generalnog sekretara Udruženja.

Svečana sjednica saziva se prema potrebi, i na istoj se ne može odlučivati, niti se vodi zapisnik.

Tematska, kao i svečana, sjednica Skupština saziva se na način predviđen za sazivanje redovne sjednice Skupštine.

Član 40.

Vanrednu sjednicu Skupštine saziva predsjednik Udruženja ili Upravni odbor Udruženja, u slučajevima vanrednih prilika u Udruženju ili državi Bosni i Hercegovini ili bilo kojem od njenih entiteta.

Poziv za vanrednu sjednicu upućuje se svim članovima Udruženja, a rok za sazivanje ne može biti kraći od 48 sati od donošenja odluke o sazivanju vanredne sjednice.

/sazivanje sjednice Skupštine/

Član 41.

Zahtjev o sazivanju redovne sjednice predsjedniku Udruženja podnosi Upravni odbor, i tom prilikom obavezno predlaže dnevni red, kao i materijale za sjednicu.

Na osnovu zahtjeva iz prethodnog stava, predsjednik Udruženja saziva sjednicu Skupštine Udruženja najkasnije u roku od 5 dana od dana podnošenja zahtjeva iz prethodnog stava.

Poziv za sjednicu, koji sadrži prijedlog Dnevnog reda, datum, vrijeme i mjesto održavanja sjednice Skupštine, sa materijalima po tačkama Dnevnog reda, članovima Skupštine upućuje se najmanje 10 dana ranije od dana zakazanog datuma održavanja sjednice Skupštine.

U slučaju da predsjednik Udruženja ne sazove sjednicu u roku iz stava 2. ovog člana, sjednicu može sazvati predsjednik Upravnog odbora /ovlašteni sazivač/.

/kvorum i odlučivanje/

Član 42.

Skupština Udruženja može zasjedati i pravovaljano odlučivati ako sjednici Skupštine prisustvuje najmanje 30 /trideset/ redovnih članova Udruženja.

Član 43.

Odluke Skupštine su punovažne ako za njih glasa natpolovična većina prisutnih članova Skupštine.

Izuzetno od prethodnog stava:

- Odluka o usvajanju Statuta, kao i izmjena i/ili dopuna Statuta,
- Odluka o statusnoj promjeni ili prestanku rada Udruženja,
- Odluka o kupovini ili prodaji nekretnina Udruženja,

smatraju se usvojenim ako je za njih glasalo najmanje 2/3 prisutnih članova Skupštine Udruženja.

/zapisnik/

Član 44.

Zapisnik na sjednici vodi generalni sekretar Udruženja, a u slučaju njegove odsutnosti na sjednici, Skupština iz reda prisutnih članova Skupštine bira zapisničara.

Zapisnik sa sjednice Skupštine potpisuje predsjedavajući Skupštine, zapisničar kao i i dva ovjerivača zapisnika koje Skupština bira prije usvajanja Dnevnog reda a nakon utvrđivanja kvoruma, iz reda prisutnih članova Skupštine.

Zapisnik sa sjednice sačinjava se najkasnije u roku od 7 /sedam/ dana od završetka sjednice Skupštine, i isti se odmah po sačinjavanju dostavlja svim članovima Skupštine, a izvodi iz zapisnika i trećim licima koja su po određenim tačkama prisustvovali sjednici Skupštine Udruženja.

Zapisnik se čuva kao službeni dokument u arhivi Udruženja.

Član 45.

Sve pojedinačne i opće akte Skupštine potpisuje predsjednik Udruženja, ili predsjednik Upravnog odbora ako je predsjedavao Skupštinom u odsutnosti predsjednika, u funkciji predsjedavajućeg Skupštine, i isti se ovjeravaju pečatom Udruženja.

Član 46.

Sva druga pitanja bitna za rad, sazivanje, odlučivanja, izbora i opoziva organa Udruženja, održavanje reda na sjednicama Skupštine, a koja nisu obuhvaćena ovim Statutom, definirane se Poslovnikom o radu Skupštine i zaključcima Skupštine na samoj sjednici.

Predsjednik Udruženja

/način izbora/

Član 47.

Predsjednika Udruženja bira i razrješava Skupština Udruženja, na period od tri godine, s mogućnošću reizbora.

Kandidate za predsjednika Udruženja može predložiti najmanje 5 (pet) članova Skupštine Udruženja, bilo grupno ili pojedinačno.

Ako ima više kandidata za predsjednika Udruženja, provodi se tajno glasanje, putem glasačkih listića, što će se posebno definirati Poslovnikom o radu Skupštine Udruženja ili zaključcima Skupštine na samoj sjednici.

Član 48.

Ukoliko se na istoj sjednici Skupštine razmatra izbor predsjednika Udruženja i izbor još jednog ili više organa Udruženja, Skupština prvo odlučuje o izboru predsjednika Udruženja, a nakon toga, u skladu sa odredbama Statuta i Poslovnika o radu Skupštine, o izboru ostalih organa Udruženja.

/ovlaštenja i nadležnosti/

Član 49.

Predsjednik Udruženja:

- zastupa i predstavlja Udruženje u skladu sa Zakonom i Statutom,
- predlaže kandidate za organe Udruženja;
- saziva i rukovodi sjednicama Skupštine Udruženja, u skladu sa odredbama ovog Statuta;
- saziva, po odredbama ovog Statuta, sjednice Upravnog odbora Udruženja;
- po diskrecionom pravu prisustvuje sjednicama Upravnog odbora i drugih organa i tijela Udruženja;
- učestvuje u izradi i prati realizaciju godišnjih, srednjoročnih i dugoročnih planova i programa rada Udruženja, i u tom smislu izdaje smjernice i upute organima Udruženja;
- saziva sjednice Skupštine Udruženja po vlastitoj inicijativi;
- organizuje, osigurava i nadzire finansijsko poslovanje Udruženja;
- parafira godišnje bilanse stanja i bilanse uspjeha Udruženja, koji se dostavljaju nadležnim državnim organima i institucijama;
- predlaže Statut, njegove Izmjene i/ili dopune, kao i odluku o statusnim promjenama i/ili prestanku rada Udruženja i raspodjeli imovine;
- donosi odluke o otvaranju i/ili zatvaranju žiro-računa udruženja kod poslovnih banaka;
- obavezni je potpisnik žiro-računa Udruženja;
- raspoložuje sredstvima Udruženja, u skladu sa finansijskim stanjem Udruženja;
- podnosi mandatni izvještaj o radu i poslovanju Skupštini Udruženja;
- potpisuje opće i pojedinačne akte iz svoje nadležnosti u skladu sa Statutom;
- predlaže stupanje Udruženja u domaće ili međunarodne asocijacije ili saveze;
- ovlašteni je poslodavac Udruženja, te po tom osnovu potpisuje sve vrste ugovora o radnom angažmanu zaposlenika ili saradnika za potrebe Udruženja;
- odobrava službena putovanja van Bosne i Hercegovine;

- daje prethodna mišljenja i/ili saglasnosti na odluke organa Udruženja u skladu sa Statutom i općim aktima Udruženja;
- uspostavlja radna tijela iz domena svojih nadležnosti;
- usko surađuje sa generalnim sekretarom i predsjednicima kolektivnih organa Udruženja;
- obavlja druge poslove i zadatke u skladu sa Statutom, općim aktima i odlukama Skupštine Udruženja.

Član 50.

Predsjednik Udruženja za svoj rad odgovara Skupštini Udruženja.

U slučaju neopozive ostavke na funkciju predsjednika Udruženja, ili smrti predsjednika Udruženja, ili teške bolesti koja uzrokuje nemogućnost radnih aktivnosti predsjednika Udruženja, predsjednik Upravnog odbora obavlja funkciju vršioca dužnosti predsjednika Udruženja do izbora novog predsjednika Udruženja.

U slučajevima iz prethodnog stava, Upravni odbor dužan je, najkasnije u roku od 30 dana, sazvati vanrednu sjednicu Skupštine radi izbora predsjednika Udruženja. Mandat ovako izabranom predsjedniku traje do kraja mandata razrješenog predsjednika /skraćeni mandat/.

/rarješenje i smjenjivanje predsjednika/

Član 51.

Skupština Udruženja, svojom odlukom razrješava predsjednika Udruženja, u slučajevima:

- isteka mandata predsjednika;
- smrti predsjednika;
- teške bolesti predsjednika, koja uzrokuje nemogućnost obavljanja poslova predsjednika Udruženja;
- neopozive ostavke predsjednika na funkciju predsjednika Udruženja;
- pravosnažne sudske presude za djela kojima je predviđena dugotrajna kazna zatvora po zakonu.

Član 52.

Skupština svojom odlukom može smjeniti predsjednika Udruženja prije isteka mandata, na pisani i obrazloženi zahtjev najmanje 20 članova Skupštine Udruženja ili na prijedlog Upravnog odbora Udruženja.

U slučajevima iz prethodnog stava, predsjednik Upravnog odbora saziva sjednicu Skupštine Udruženja, po proceduri sazivanja redovne sjednice, u roku od 7 dana od dana dostavljanja pisanog i obrazloženog zahtjeva za smjenu predsjednika Udruženja.

U slučaju donošenja odluke o smjenjivanju predsjednika, na istoj sjednici Skupštine ima se izabrati novi predsjednik Udruženja, na trogodišnji mandatni period. U slučaju da Skupština, nakon smjenjivanja predsjednika, ne izabere novog predsjednika Udruženja, smatraće se da nije donesena odluka o smjenjivanju predsjednika Udruženja.

Član 53.

Proceduru i način izbora, kriterije za kandidata predsjednika, način smjenjivanja prije isteka mandata, procedura tajnog glasanja, kao i druga pitanja vezana za predsjednika Udruženja, koja nisu obuhvaćena odredbama Statuta, propisaće se Poslovníkom o radu Skupštine.

Upravni odbor

/sastav i način izbora Upravnog odbora/

Član 54.

Upravni odbor Udruženja sastoji se od 9 /devet/ članova koje, na mandatni period od tri godine, bira i razrješava Skupština Udruženja, na prijedlog predsjednika Udruženja, i članova Upravnog odbora po funkciji.

Članovi Upravnog odbora po funkciji su predsjednici regionalnih podružnica Udruženja i predsjednici ili predstavnici krovnih bošnjačkih organizacija/institucija i udruženja/fondacija iz Bosne i Hercegovine.

Skupština Udruženja svojom odlukom utvrđuje bošnjačke organizacije/institucije i udruženja/fondacije iz prethodnog stava, čiji predsjednici, odnosno od njih delegirani predstavnici, uz njihovu pisanu saglasnost, ulaze u sastav Upravnog odbora Udruženja po funkciji.

Formalnu odluku o imenovanju i razrješenju članova Upravnog odbora po funkciji donosi Skupština Udruženja.

Član 55.

Mandat članovima Upravnog odbora po funkciji traje:

- predsjednicima regionalnih podružnica Udruženja mandat traje koliko i mandat na funkciji predsjednika u podružnici;
- mandat predsjedniku ili predstavniku bošnjačke organizacije/institucije ili fondacije/udruženja traje dok ga predlagač ne opozove ili mu ne istekne funkcija predsjednika u organizaciji/udruženju iz koje je delegiran.

Član 56.

Kandidate za članove Upravnog odbora koje bira Skupština Udruženja po odredbama ovog Statuta, mogu predložiti svi organi Udruženja, kao i članovi Skupštine Udruženja.

Prijedlozi kandidatura se dostavljaju predsjedniku Vijeća, najkasnije u roku od 48 sati ranije, od datuma kada je zakazana sjednica Skupštine na kojoj se bira Upravni odbor Udruženja.

Nakon dostavljenih prijedloga kandidata za članove Upravnog odbora, predsjednik Vijeća po diskrecionom pravu iz reda prisjelih kandidatura za članove Upravnog odbora, sačinjava prijedlog Liste, koja se sastoji od devet kandidata za Upravni odbor Vijeća.

Skupština se javnim glasanjem izjašnjava ZA ili PROTIV ponuđene liste.

Upravni odbor smatra se izabranim ukoliko je za ponuđenu listu glasala nadplovična većina prisutnih članova Skupštine.

Član 57.

Ukoliko ponuđena Lista iz prethodnog člana Statuta, ne dobije nadplovičnu podršku prisutnih članova Skupštine Vijeća, predsjednik Vijeća poziva Skupštinu, da se izjašnjava o pojedinačnom izboru članova Upravnog odbora, na način da predsjednik Vijeća, diskrecionim pravom, predlaže jednog po jednog kandidata za člana Upravnog odbora Vijeća, sve dok se ne izabere devet članova Upravnog odbora.

/nadležnost i ovlaštenja/

Član 58.

Upravni odbor može donositi odluke i preduzimiti mjere u skladu sa skupštinskim odlukama, uputama predsjednika Udruženja i odredbama ovog Statuta.

Član 59.

Predsjednik Udruženja saziva i predsjedava prvom (konstituirajućom) sjednicom Upravnog odbora i predlaže predsjednika i njegovog zamjenika, o čemu odluku donosi Upravni odbor.

Konstituirajuća sjednica Upravnog odbora u pravilu se saziva najkasnije u roku od 30 (trideset) dana od dana izbora Upravnog odbora.

Predsjednik Upravnog odbora ne može biti iz reda članova Upravnog odbora po funkciji.

Član 60.

Nadženosti Upravnog odbora Udruženja su:

- upravlja imovinom udruženja sa pažnjom dobrog domaćina, izuzev odlučivanja o kupovini i prodaji nekretnina;
- predlaže osnivanje pravnih lica čiji je osnivač ili suosnivač Udruženje;

- donosi Poslovnik o svome radu;
- inicira sazivanje sjednica Skupštine Udruženja u skladu sa Statutom i predlaže materijale za sjednice;
- utvrđuje prijedlog Statuta, izmjene i/ili dopune Statuta Udruženja, i prijedloge drugih općih akata iz nadležnosti Skupštine Udruženja;
- donosi i provodi godišnji program rada i godišnji finansijski plan Udruženja, uz konsultacije sa predsjednikom Udruženja i generalnim sekretarom udruženja;
- podnosi godišnje i periodične izvještaje o radu i finansijskom poslovanju Skupštini Udruženja,
- predlaže i donosi srednjoročne i dugoročne planove i programe rada Udruženja;
- usko saraduje sa predsjednikom i generalnim sekretarom Udruženja;
- odlučuje o osnivanju ureda, podružnica, predstavništava, kao i obrazovanju, formiranju i imenovanju personalnog sastava savjeta, sekcija, komsija i drugih radnih tijela Upravnog odbora, te podstiče, nadzire i kontrolira njihov rad,
- odlučuje o dodjelama priznanja i zahvalnica Udruženja;
- poduzima sve neophodne mjere i aktivnosti u cilju realizacije ciljeva i zadataka Udruženja;
- donosi sve neophodne opće i pojedinačne akte neophodne za nesmetan rad i funkcioniranje Udruženja iz domena svoje nadležnosti;
- zadužuje pojedine članove Upravnog odbora, kao i članove Udruženja, za određene oblasti iz djelokruga rada Udruženja,
- stara se o prikupljanju sredstava za rad Udruženja i zakonitom trošenju sredstava;
- odlučuje o učešću predstavnika Udruženja na domaćim i međunarodnim skupovima, na koje je pozvano Udruženje,
- odlučuje o pristupanju Udruženja međunarodnim asocijacijama i organizacijama, čiji su programski ciljevi isti ili slični onima koje ima Udruženje po ovom Statutu,
- Odlučuje o svim drugim pitanjima bitnim za rad i funkcioniranje Udruženja, za koje ga ovlasti ili zaduži Skupština Udruženja.

/kvorum i odlučivanje Upravnog odbora/

Član 61.

Upravni odbor može zasjedati ako sjednici prisustvuje najmanje nadpolovična većina od ukupnog broja članova Upravnog odbora koje je izabrala Skupština Udruženja /kvorum/.

Upravni odbor odluke donosi većinom glasova od ukupnog broja članova Upravnog odbora, s tim da u većini mora biti najmanje pet glasova iz reda članova Upravnog odbora koje je izabrala Skupština Udruženja.

/ način rada, sazivanje i vrste sjednica/

Član 62.

Predsjednik Upravnog odbora predstavlja Upravni odbor, saziva sjednice i predsjedava sjednicama Upravnog odbora Udruženja.

Sjednice Upravnog odbora mogu biti redovne, vanredne (hitne), svečane i posebne (bez fizičkog prisustva članova Upravnog odbora).

U hitnim ili vanrednim prilikama, Predsjednik Udruženja ima pravo sazvati vanrednu/hitnu sjednicu Upravnog odbora Udruženja.

Zamjenik predsjednika Upravnog odbora u slučajevima odsutnosti ili spriječenosti predsjednika Upravnog odbora, obavlja poslove i zadatke predsjednika Upravnog odbora, izuzev poslova zastupanja Udruženja u pravnom prometu.

U slučaju neopozive ostavke predsjednika Upravnog odbora na funkciju ili njegove smrti ili teške bolesti, zamjenik predsjednika Upravnog odbora, u roku od 7 dana saziva vanrednu sjednicu Upravnog odbora na kojoj se bira novi predsjednik Upravnog odbora.

Član 63.

Predsjednik Upravnog odbora dužan je sazvati sjednicu Upravnog odbora na zahtjev:

- najmanje pet članova Upravnog odbora ili
- predsjednika Udruženja ili
- generalnog sekretara Udruženja ili
- najmanje 15 redovnih članova Skupštine Udruženja.

Zahtjev sazivača iz prethodnog stava mora sadržavati prijedlog Dnevnog reda i obrazloženje.

Ukoliko sazivač nije predožio Dnevni red i/ili obrazloženje, predsjednik Upravnog odbora nije dužan sazvati sjednicu Upravnog odbora.

U slučaju da predsjednik Upravnog odbora ne sazove sjednicu u roku od sedam dana od dana podnošenja validnog zahtjeva od bilo kojeg ovlaštenog sazivača iz ovog člana, sazivač ima pravo sazvati sjednicu Upravnog odbora.

Član 64.

U radu sjednica Upravnog odbora mogu učestvovati i treća lica /po tačkama Dnevnog reda/, predsjednici radnih tijela Udruženja, članovi Udruženja, predsjednici općinskih/gradskih podružnica, o čemu odlučuje predsjednik Upravnog odbora.

Predsjednik Udruženja i generalni sekretar Udruženja obavezno se pozivaju na prisustvo sjednicama Upravnog odbora.

/rarješnje i smjenjivanje Upravnog odbora/

Član 65.

Skupština Udruženja, svojom odlukom razrješava Upravni odbor, u slučaju isteka mandata Upravnom odboru.

Član 66.

U slučajevima neopozive ostavke, smrti ili teške bolesti člana Upravnog odbora kojeg je izabrala Skupština Udruženja, izuzev člana koji obavlja funkciju predsjednika Upravnog odbora, predsjednik Udruženja imenuje vršioca dužnosti člana Upravnog odbora, na period do održavanja prve naredne sjednice Skupštine, kada se biraju novi članovi Upravnog odbora.

Član 67.

Skupština svojom odlukom može smjeniti sve članove ili bilo kojeg člana Upravnog odbora pojedinačno koje je izabrala, prije isteka mandata, na pisani i obrazloženi zahtjev predsjednika Udruženja, predsjednika Upravnog odbora ili najmanje 15 članova Skupštine Udruženja.

U slučajevima iz prethodnog stava, predsjednik Udruženja saziva sjednicu Skupštine Udruženja, po proceduri sazivanja redovne sjednice, u roku od 7 dana od dana dostavljanja pisanog i obrazloženog zahtjeva za smjenu svih ili pojedinih članova Upravnog odbora.

U slučaju donošenja odluke o smjenjivanju članova Upravnog odbora, na istoj sjednici Skupštine imaju se izabrati novi članovi Upravnog odbora, na trogodišnji mandatni period.

Član 68.

Proceduru i način izbora, kriterije za kandidate za članove Upravnog odbora, način smjenjivanja pojedinačnih članova Upravnog odbora prije isteka mandata, procedura glasanja, kao i druga pitanja vezana za Upravni odbor, koja nisu obuhvaćena odredbama Statuta, propisat će se Poslovníkom o radu Skupštine.

/Stručna služba Udruženja/

Član 69.

Administrativno-tehničke i operativne poslove u Udruženju vode se putem Stručnih službi Udruženja, kojima neposredno rukovodi generalni sekretar Udruženja, čiji djelokrug rada, broj i vrstu zaposlenika, opise radnih mjesta zaposlenih u Udruženju i druga pitanja utvrđuje Upravni odbor Udruženja, Pravilnikom o unutrašnjoj organizaciji.

Upravni odbor Udruženja, po potrebi, donosi i Pravilnik o radu Udruženja.

Član 70.

Ugovore o radnom angažmanu sa zaposlenicima i/ili angažiranim saradnicima za potrebe Udruženja, u svojstvu poslodavca u ime Udruženja, potpisuje predsjednik Udruženja ili predsjednik Upravnog odbora Udruženja, a radno-pravni status zaposlenika ostvaruje se u skladu sa Zakonom o radu u institucijama Bosne i Hercegovine.

Generalni sekretar

/način izbora i smjenjivanja/

Član 71.

Generalnog sekretara Udruženja bira Skupština Udruženja na prijedlog predsjednika Udruženja, a razrješava ga Skupština Udruženja na prijedlog Upravnog odbora, uz saglasnost predsjednika Udruženja, bez ograničenja mandata.

U slučaju neopozive ostavke ili smrti generalnog sekretara ili teške bolesti, Upravni odbor, uz prethodnu saglasnost predsjednika Udruženja, imenuje vršioca dužnosti generalnog sekretara, koji poslove i zadatke generalnog sekretara, izuzev poslova zastupanja Udruženja u pravnom prometu, može obavljati najduže 90 dana, odnosno do prve sjednice Skupštine na kojoj se bira generalni sekretar Udruženja.

/nadležnosti i ovlaštenja/

Član 72.

Generalni sekretar Udruženja:

- predstavlja i zastupa Udruženje u skladu sa ovlaštenjima po Zakonu i ovom Statutu;
- putem Stručnih službi, uz konsultacije sa organima Udruženja, priprema materijale za sjednice organa Udruženja;
- stara se o provođenju odluka i zaključaka svih organa Udruženja, i informira Skupštinu, predsjednika i Upravni odbor o stepenu realizacije odluka;
- uz konsultacije sa predsjednikom predlaže sazivanje organa i radnih tijela Udruženja;
- priprema tematske sjednice Udruženja, u saradnji sa Upravnim odborom;
- prisustvuje i učestvuje u radu na sjednicama Upravnog odbora, Nadzornog odbora i Suda časti;
- stara se o redovnom održavanju javnih tribina Udruženja;
- usklađuje i odgovara za odnose Udruženja sa vladinim i nevladinim institucijama i organizacijama;
- odgovara za odnose sa javnošću;
- rukovodi Stručnom službom Udruženja;
- u saradnji s predsjednikom Udruženja i predsjednikom Upravnog odbora brine se o pribavljanju materijalno-finansijskih sredstava za rad Udruženja i nadzire njihov utrošak;
- koordinira rad organa i tijela Udruženja;
- obavlja i one poslove i zadatke koje mu u nadležnost stavi Skupština Udruženja;
- za svoj rad odgovara Skupštini Udruženja.

Nadzorni odbor

Član 73.

Nadzorni odbor bira i razrješava Skupština Udruženja, na prijedlog predsjednika Udruženja, na period od tri godine, s mogućnošću reizbora.

Nadzorni odbor Udruženja sastoji se od predsjednika i dva člana.

Član 74.

Nadzorni odbor radi u sjednicama koje saziva i kojima rukovodi predsjednik Nadzornog odbora, a u slučaju njegove odsutnosti ili spriječenosti član Nadzornog odbora stariji po godinama.

/nadležnosti, nadziranje finansijskog poslovanja Udruženja/

Član 75.

Nadzorni odbor:

- prema vlastitoj inicijativi donosi Poslovnik o svome radu;
- nadzire primjenu odredaba Statuta i ostvarivanje odluka Skupštine;
- učestvuje u izradi i daje mišljenje na godišnji finansijski izvještaj Udruženja, koji podnosi Upravni odbor;
- saraduje sa ovlaštenom knjigovodstveno-računovodstvenom agencijom Udruženja;
- daje mišljenja, preporuke i smjernice za otklanjanje uočenih finansijskih i statutarnih nepravilnosti;
- po odobrenju predsjednika ili Upravnog odbora, vrši odabir ovlaštene revizorske kuće;
- nadzire finansijsko poslovanje organa i tijela Udruženja;
- učestvuje u izradi godišnjih, srednjoročnih i dugoročnih finansijskih planova Udruženja;
- obavlja druge poslove koje mu u nadležnost stavi Skupština ili predsjednik Udruženja.

Član 76.

Nadzorni odbor nadzire rad organa Udruženja.

Ako se utvrde nepravilnosti u provođenju Statuta udruženja, Nadzorni odbor ili član Udruženja dužan je na to upozoriti Skupštinu Udruženja ili od nje uspostavljenu Komisiju za Statutarna pitanja.

Ako se upozorenje ne razmotri na sjednici Skupštine ili se ne očituje Komisija za statutarna pitanja, u roku od 30 dana od dana dostavljenog pismenog upozorenja i nepravilnosti ne otklone, može se podnijeti tužba nadležnom sudu, u skladu sa odredbama Zakona.

Član 77.

Nadzorni odbor sastaje se najmanje jedanput godišnje, i to prilikom davanja mišljenja o godišnjem finansijskom poslovanju Udruženja.

Član 78.

Nadzorni odbor Udruženja odlučuje većinom glasova od ukupnog broja članova Nadzornog odbora.

Nadzorni odbor za svoj rad odgovara Skupštini udruženja.

Sud časti

Član 79.

Sud časti bira i razrješava Skupština Udruženja, na prijedlog predsjednika Udruženja, na period od tri godine, s mogućnošću reizbora.

Sud časti Udruženja sastoji se od predsjednika i dva člana.

Sud časti radi u sjednicama, koje se održavaju prema potrebi, a sjednice saziva i istim predsjedava predsjednik Suda časti, a u slučaju njegove odsutnosti ili spriječenosti, član Suda časti stariji po godinama starosti.

Član 80.

Sud časti rješava o statusnim pitanjima članova Udruženja i članova organa Udruženja u skladu sa odredbama ovog Statuta.

Član 81.

Sud časti po vlastitoj inicijativi donosi Poslovnik o svome radu.

Sud časti Udruženja odlučuje većinom glasova od ukupnog broja članova Suda časti Udruženja.

Sud časti za svoj rad odgovara Skupštini udruženja.

B) TIJELA UDRUŽENJA

Član 82.

Tijela Udruženja, kao posebni organizacioni oblici Udruženja, uspostavljaju se odlukama Skupštine, predsjednika i/ili Upravnog odbora Udruženja.

/uredi, podružnice i predstavništva Udruženja/

Član 83.

Udruženje može osnovati urede i podružnice koje, u pravilu, nemaju svojstvo pravnog lica, u skladu sa Statutom.

Član 84.

Uredi predstavljaju zasebne organizacione oblike, koji se formiraju za specifične oblasti rada Udruženja, kao što su: odnosi sa javnošću, naučna i istraživačka djelatnost, kulturna djelatnost, obrazovna djelatnost, analitika i sl.

Podružnice predstavljaju zasebne organizacione oblike, koji se formiraju i uspostavljaju u regijama, kao i općinama/gradovima u Bosni i Hercegovini, radi provođenja ciljeva i djelatnosti Udruženja propisanih Statutom.

Udruženje može imati svoja predstavništva u inostranstvu, koja se registruju u skladu sa važećim propisima zemlje u kojoj se pojedino predstavništvo uspostavlja.

Član 85.

Odluku o formiranju i uspostavljanju ureda, podružnica i predstavništava donosi Upravni odbor Udruženja.

Upravni odbor Udruženja će donijeti poseban opći akt kojim će definirati način uspostave, djelokrug rada, ovlaštenja, i druga pitanja vezana za rad ureda, podružnica i predstavništava Udruženja.

Uredi, podružnice i predstavništva mogu imati svoje pečate i žiro račune, u okviru glavnog računa Udruženja, što će se definirati posebnim općim aktima iz prethodnog stava.

/druga tijela udruženja/

Član 86.

Skupština, predsjednik i/ili Upravni odbor Udruženja mogu obrazovati druga tijela Udruženja, kao što su: savjeti, komisije, sekcije, radne grupe, kao stručna radna i savjetodavna tijela, privremenog ili stalnog karaktera.

Tijela iz prethodnog stava obrazuju se odlukama, koje sadrže opis poslova i zadataka radnog tijela, eventualni rok na koji se tijelo uspostavlja, personalni sastav, i druga pitanja kojima se definiše opis poslova, način rada i zadataka tijela.

Radna tijela odgovaraju onom organu Udruženja koje ih je uspostavilo.

Član 87.

Udruženje može osnovati i uspostaviti svoj Klub, u kojem se odvijaju druženja članova i simpatizera Udruženja, o čemu odlučuje Upravni odbor Udruženja.

VI IZVORI FINANSIRANJA, UPRAVLJANJE I RASPOLAGANJE SREDSTVIMA UDRUŽENJA, NADZOR NAD UPOTREBOM SREDSTAVA

Član 88.

Prihodi Udruženja mogu uključivati sljedeće:

- a) članarina;
- b) dobrovoljne priloge i poklone javnih institucija, fizičkih i pravnih lica, kako stranih tako i domaćih, u gotovini, uslugama ili imovini bilo koje vrste;
- c) državne subvencije i ugovore sa državom, javnim institucijama, fizičkim i pravnim licima, kako domaćim tako i stranim;
- d) prihod od kamata, dividendi, dobiti od kapitala, zakupnina, honorara i sličnih izvora pasivnog prihoda;

- e) grantovi i donacije od bilo kojih trećih lica;
- f) kroz projektne aktivnosti i apliciranje za finansiranje projekata, samostalno ili sa trećim licima, po javnom pozivu/konkursu bilo kojeg nivoa ili organa vlasti u Bosni i Hercegovini;
- g) prihod stečen kroz ostvarivanje ciljeva i aktivnosti Udruženja, kako je određeno Statutom.

Član 89.

Članovi organa Udruženja ne mogu glasati po pitanjima u kojima se kao interesne strane pojavljuju sami članovi, njihovi braćni drugovi ili njihova rodbina u uspravnoj ili pobočnoj liniji do trećeg stepena, po pitanjima vezanim za predmet koji je pod kontrolom datog člana, odnosno po pitanjima u pogledu kojih član ima ekonomski interes. Pored toga, članovi tijela Udruženja imaju obavezu da osiguraju da se sve finansijske transakcije udruženja zaključuju prema pravičnoj tržišnoj vrijednosti, odnosno prema uslovima koji su povoljniji za Udruženje.

Član 90.

Udruženje za svoje obaveze odgovara svojom cjelokupnom imovinom.

Imovinom Udruženja upravlja Upravni odbor Udruženja sa pažnjom dobrog domaćina, na zakonom propisan način, prevashodno u interesu Udruženja.

Izuzetno od prethodnog stava, o prodaji nepokretne imovine Udruženja (zemljišta, objekti/zgrade i druge nekretnine i nepokretnosti) odlučuje Skupština Udruženja dvotrećinskom većinom prisutnih članova na sjednici Skupštine Udruženja.

Član 91.

Sredstvima Udruženja raspolažu lica ovlaštena za predstavljanje i zastupanje Udruženja po ovom Statutu, svako u okvirima provođenja svojih nadležnosti, u skladu sa programom rada Udruženja i obezbjeđenim finansijskim sredstvima.

U slučaju da ovlašteno lice iz prethodnog stava u finansijskom smislu zaduži Udruženje, bez da su sredstva za utrošenu namjenu obezbjeđena, dužan je naknaditi počinjenu finansijsku štetu Udruženju.

Kreditna zaduženja Udruženja isključivo može odobriti Upravni odbor Udruženja.

Nadzor nad raspolaganjem sredstava vrši predsjednik i Nadzorni odbor Udruženja, a nadzor nad raspolaganjem sredstava podružnica izvršni odbor podružnica.

Član 92.

Udruženje je dužno voditi poslovne knjige i podnositi finansijske izvještaje u skladu s propisima kojima se uređuje računovodstvo neprofitnih organizacija.

Finansijski izvještaji iz prethodnog stava ovog člana, Udruženje je dužno čuvati najmanje pet /5/ godina.

Član 93.

Udruženje može za poslove računovodstva, finansijskih i knjigovodstvenih poslova angažirati treće stručno pravno ili fizičko lice, ovlašteno za ove poslove, o čemu odlučuje Upravni odbor Udruženja.

Udruženje može za poslove računovodstva, finansijskih i knjigovodstvenih poslova angažirati treće stručno pravno ili fizičko lice, ovlašteno za ove poslove, koje odgovara za zakonitost korištenja sredstava, o čemu odlučuje Upravni odbor Udruženja.

Član 94.

Upravni odbor Udruženja svojim odlukama može formirati različite fondove solidarnosti (za stipendiranje, za naučno istraživače radove, za pomoć članovima, i dr.) iz ciljeva i djelatnosti Udruženja, iz kojeg se mogu pomagati članovi i ne članovi Udruženja ili njihovi projekti.

Član 95.

Nad imovinom Udruženja, u zakonom predviđenim slučajevima, može se provesti stečaj.

Stečajni postupak provodi nadležan sud na čijem je području sjedište Udruženja, u skladu s posebnim zakonima.

VII NAČIN PODNOŠENJA FINANSIJSKOG IZVJEŠTAJA I IZVJEŠTAJA O RADU

Član 96.

Godišnje finansijske izvještaje priprema i podnosi Upravni odbor, uz prethodnu saglasnost predsjednika Udruženja i mišljenje Nadzornog odbora Udruženja, Skupštini Udruženja, koja odlučuje o izvještaju.

Udruženje je, u skladu sa Zakonom, godišnje finansijske izvještaje dužno dostaviti Ministarstvu pravde Bosne i Hercegovine radi objave na internetskoj stranici Ministarstva, a najkasnije do 30. aprila tekuće godine za prethodnu poslovnu godinu.

Član 97.

Godišnji izvještaj o radu Udruženja priprema i podnosi Upravni odbor Skupštini Udruženja, koja odlučuje o izvještaju.

U izradi godišnjeg izvještaja o radu, pored Upravnog odbora, učestvuju predsjednik i generalni sekretar Udruženja, kao i predsjednici Nadzornog odbora i Suda časti.

Član 98.

Po zahtjevu Skupštine, organi Udruženja su dužni dostavljati i periodične finansijske izvještaje, odnosno mandatne izvještaje o radu organa.

VIII JAVNOST RADA UDRUŽENJA

Član 99.

Rad Udruženja u cjelini, kao i organa i tijela Udruženja, u pravilu je javan i transparentan.

Organi Udruženja mogu, ukoliko je zakonodavstvom omogućeno, iz određenih djelatnosti isključiti javnost.

Član 100.

Javnost rada Udruženja ostvaruje se putem tribina, okruglih stolova, obavještavanjem članstva i javnosti putem pisanih i elektronskih medija, biltena, saopćenja, štampe, putem vlastite web strane Udruženja i na drugi način.

Član 101.

Javnost rada Udruženja obezbjeđuje se i podnošenjem godišnjih finansijskih i izvještaja o radu u skladu sa Zakonom, drugim propisima i Statutom Udruženja.

IX OPIS OBLIKA PEČATA I ZNAKA

Član 102.

Udruženje ima svoj pečat, okruglog oblika, promjera 25mm, po čijem je obodu kružno ispisan tekst punog naziva UDRUŽENJE VIJEĆE KONGRESA BONJAČKIH INTELEKTUALACA, te naziv sjedišta Udruženja SARAJEVO, a u sredini pečata se nalazi znak Udruženja.

Odluku o izradi, broju i upotrebi pečata Udruženja donosi predsjednik ili Upravni odbor Udruženja.

Član 103.

Udruženje ima svoj znak /logo/.

Znak Udruženja je stilizirana mjestimično isprekidana spirala, tamnozeleno boje, okruglog oblika u kvadratnom prostoru.

Znak Udruženja može se mijenjati odlukom Upravnog odbora Udruženja.

Član 104.

U pisanoj korespodenciji sa trećim licima Udruženje koristi memorandum, na kojem se nalazi puni ili skraćeni naziv Udruženja, znak /logo/ Udruženja, puna adresa i brojevi telefona, e-mail i web adresa Udruženja /ako su u funkciji/, ID broj i broj žiro računa Udruženja.

X PREDSTAVLJANJE I ZASTUPANJE UDRUŽENJA

Član 105.

Udruženje predstavljaju i zastupaju; predsjednik Udruženja, predsjednik Upravnog odbora Udruženja i generalni sekretar Udruženja, u skladu sa Zakonom i ovlaštenjima po ovom Statutu.

Predsjednik Udruženja može posebnom punomoći ovlastiti lice koje ima odgovarajuću stručnu spremu i kvalifikaciju da zastupa Udruženje pred sudovima i drugim organima.

XI SPAJANJE, PODJELA I PRESTANAK RADA UDRUŽENJA

Član 106.

Udruženje će trajati sve dok za to budu postojali zakonski uslovi ili dok Skupština ne donese odluku o spajanju, podjeli ili prestanku rada Udruženja.

Član 107.

Udruženje se može spojiti sa dva ili više udruženja, ili razdvojiti u drugo udruženje, čime u oba slučaja prestaju da postoji Udruženje, u skladu sa Zakonom, o čemu odlučuje Skupština dvotrećinskom većinom prisutnih članova na sjednici Skupštine Udruženja.

Odlukom iz prethodnog stava reguliše se naročito: naziv i sjedište te podjela imovine, prava i obaveze, kao i druga pitanja koja se odnose na statusne promjene Udruženja u skladu sa Zakonom.

Član 108.

Udruženje može prestati sa radom dobrovoljno ili po sili zakona.

Odluku o dobrovoljnom prestanku rada donosi Skupština Udruženja dvotrećinskom većinom prisutnih članova na sjednici Skupštine Udruženja.

Član 109.

Prijedlog za dobrovoljni prestanak rada Udruženja mogu podnijeti predsjednik, Upravni odbor i/ili najmanje 30 članova Skupštine Udruženja.

Prijedlog se podnosi u pisanoj formi i sa obrazloženjem, Skupštini Udruženja.

Skupština Udruženja dužna se o zahtjevu izjasniti u roku od 30 dana.

Član 110.

Udruženje prestaje sa radom po sili zakona, u skladu sa odredbama Zakona.

XII POSTUPANJE SA IMOVINOM UDRUŽENJA U SLUČAJU PRESTANKA RADA UDRUŽENJA

Član 111.

Istovremeno sa odlukom o prestanku rada Udruženja, Skupština Udruženja donosi plan likvidacije Udruženja, kojim se utvrđuje raspored imovine, prava i obaveze Udruženja.

Skupština imenuje likvidatora Udruženja čija dužnost je da se stara o izvršenju plana likvidacije i koji je ovlašten da zastupa Udruženje u postupku likvidacije i u postupku podnošenja zahtjeva za prijavu prestanka rada Udruženja nadležnim organima.

Imovina kod raspuštanja udruženja, nakon izmirenja svih zakonskih obaveza, dodijelit će se nekom drugom udruženju koje obavlja iste ili slične djelatnosti, a na osnovu odluke Skupštine.

XIII DONOŠENJE STATUTA, IZMJENA I DOPUNA STATUTA I OPĆIH AKATA UDRUŽENJA

Član 112.

Statut, kao i njegove izmjene i/ili dopune, donosi Skupština Udruženja 2/3 većinom prisutnih članova Udruženja na sjednici Skupštine Udruženja.

Statut Udruženja, poslovnike, pravilnike, procedure i druge opće pravne akte Udruženja iz nadležnosti Skupštine po ovom Statutu i Zakonu, kao i njihove izmjene i/ili dopune, ovlašteni predlagači po odredbama Statuta, iste dostavljaju Upravnom odboru, koji ih u formi prijedloga utvrđuje i dostavlja Skupštini Udruženja na odlučivanje.

Član 113.

Tumačenje Statuta daje Skupština Udruženja.

Skupština Udruženja može imenovati i Komisiju za Statutarna pitanja, sa nadležnošću tumačenja i nadzora primjene Statuta. Komisija za Statutarna pitanja broji neparan broj članova, ne manje od tri, niti više od sedam članova.

XIV PRELAZNE I ZAVRŠNE ODREDBE

Član 114.

Udruženje je obavezno svaku promjenu koja je Zakonom propisana, prijaviti Ministarstvu u roku utvrđenim Zakonom.

Član 115.

Za pitanja koja nisu obuhvaćena ovim Statutom, neposredno će se primjenjivati odredbe Zakona.

Član 116.

Sva opća akta Udruženja donesena od organa Udruženja, imaju se uskladiti sa odredbama ovog Statuta u roku od 60 dana od dana početka primjene ovog Statuta.

Član 117.

Danom stupanja na snagu ovog Statuta, prestaje da važi Statut Udruženja broj: 01-23/15 od 29.01.2015. godine (*Rješenje Ministarstvo pravde BiH broj: 01/6-08-RS/02 od 16.09.2015. godine*), kao i Odluka o izmjenama i dopunama Statuta Udruženja broj: 01-130/17 od 26.10.2017. godine (*Rješenje Ministarstvo pravde BiH broj: UP09-07-1-2189/17 od 02.02.2018. godine, o upisu promjena Statuta*).

Član 118.

Statut stupa na snagu danom donošenja, a primjenjivaće se od dana izdavanja Rješenja od strane Ministarstva, odnosno danom upisa promjena u Registar udruženja i fondacija.

Broj:01-149/18
Sarajevo, 20. septembra 2018. godine

***Predsjedavajući Skupštine
Vijeća Kongresa bošnjačkih intelektualaca
Edhem Bičakčić, s.r.***

Ministarstvo pravde Bosne i Hercegovine svojim Rješenjem broj: UP09-07-1-2244/18 od 07.01.2019. godine upisalo je ovaj Statut u Registar udruženja Ministarstva.